



Broj/Број: 01/6-50-1-8-7/07
Sarajevo/Сарајево, 13.12.2007.godine

Z A P I S N I K

7. sjednice Komisije za ostvarivanje ravnopravnosti spolova, održane 13.12. 2007. godine

Sjednici Komisije za ostvarivanje ravnopravnosti spolova (u daljnjem tekstu: Komisija), održanoj 13.12.2007., s početkom u 9 sati, prisustvovali su sljedeći članovi Komisije: Vinko Zorić, Jovan Todorović, Rifat Dolić, Mirjana Malić, Jozo Križanović i Sead Jamakosmanović.

Odsustvovali su: Remzija Kadrić, Halid Genjac i Savo Erić (pravdao odsustvo).

Sjednici je prisustvovala i Samra Filipović - Hadžiabdić, direktorica Agencije za ravnopravnost spolova BiH.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

DNEVNI RED

1. Usvajanje Zapisnika 6. sjednice Komisije;
2. Razmatranje Prijedloga rezolucije o borbi protiv nasilja nad ženama u porodici;
3. Razmatranje i usvajanja Izvještaja o radu Komisije za 2007. godinu;
4. Razmatranje i usvajanje Plana rada Komisije za 2008.godinu;
5. Tekuća pitanja.

Ad. 1. Usvajanje Zapisnika 7. sjednice Komisije

Zapisnik 7. sjednice Komisije usvojen je jednoglasno, bez primjedbi.

Ad. 2. Razmatranje Prijedloga rezolucije o borbi protiv nasilja nad ženama u porodici

Komisija je u raspravi, jednoglasno, usvojila izvještaj o Prijedlogu rezolucije o borbi protiv nasilja nad ženama u porodici, s dva usvojena amandmana koji glase:

AMANDMAN I.

U tački 2. Prijedloga rezolucije o borbi protiv nasilja nad ženama u porodici riječi: "dugogodišnjim neuspjehom" zamjenjuju se riječima: "nedovoljnim napretkom".

AMANDMAN II.

U tački 3. podtačka 3.3., na bosanskom i srpskom jeziku, riječ "otvaranju" zamjenjuje se riječju "uspostavljanju".

Za izvjestioca na plenarnoj sjednici Komisija je imenovala Mirjanu Malić.

Ad. 3. Razmatranje i usvajanje Izvještaja o radu Komisije za 2007. godinu

Sa sadržajem dokumenta članove Komsije upoznao je predsjedavajući. U diskusiji je podržan prijedlog ovog izvještaja, koji je zatim jednoglasno usvojen uz sljedeći

Z A K L J U Č A K

Komisija smatra neprimjerenim uslove u kojima radi sekretar Komisije, te traži od rukovodstva Parlamentarne skupštine BiH da u narednom periodu osigura adekvatan radni prostor za sekretarijat Komisije, kako bi njen rad bio još uspješniji.

Ad. 4. Razmatranje i usvajanje Plana rada Komisije za 2008.godinu

Komisija je ocijenila da je Plan rada za narednu godinu adekvatan i realan, te ga je jednoglasno usvojila.

Ad. 5. Tekuća pitanja

Predsjedavajući Komisije upoznao je članove s predstojećim susretom s delegacijom Republike Crne Gore, koju čine predstavnici Vlade, Skupštine i nevladinog sektora, a koji se nalaze na studijskom putovanju u BiH.

Zaključeno je da će goste primiti Vinko Zorić, Mirjana Malić, Rifat Dolić, Sead Jamakosmanović i Davorin Semenik, koji je nakon toga podijelio pripremljeni podsjetnik.

Nakon što je realiziran dnevni red, sjednica je završena u 10 sati.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić